

PLOANIES DA SAN MARTIN Y LUNGIARÜ

Les Uniuns di Èi da San Martin y Lungiarü inviëia düc i èi y jogn ala prozesciun da Badia a Oies cun linternes o ciandares en vëndres, ai 29 de setëmbër, pian ia dala dljia de San Linert dales 19.30 (organisada dala Uniun di Èi dla Val Badia)

La Uniun dles porsones vëdues y sores Val Badia inviëia al iade a Weissenstein en jöbia ai 28/09. La coriera passa a San Martin te paisc dales 7.30. Iade y marëna costa 50 €; anunziesse cina merçu ai 20/09 pro osta rapresentanta o 0474 590 069.

La Ciasa de Palsa Ojöp Frëinademetz inviëia düc ala festa por le dé di Seniors. I s'incuntun en sabeda ai 30 de setëmbër, dales 15.30, a festejé la mëssa y dedo passunse en domisdé d'aurela cörta cun musiga, café y val' de duc. I s'aspetun tröc.

SAN MARTIN: Le KVV da S. Martin inviëia düc al peregrinaje a Santa Maria da Luggau en dedemesaled. 27/09, pian ia dal paisc dales 8.00. Iade y marëna costa 38 € por i scric ite y 40 € por i atri. Prenotesse cina ai 25/09 pro n rapresentant dl KVV

La Uniun dles Ères inviëia dötes les ères da gní ala jita cun siur Iaco, en dedemesaledema ai 27/09, dales 14.00, da dljia demez cun auti privac a Ciastelbadia, a Sars y ite dal Crëp de Santa Grazia. Ala fin junse a San Laurënz a mangé na pizza. Gnide tröpes! Anunziesse pro Tecla (335 14 99 397) o Romi (339 71 64 521).

Segra da San Martin (cun i Stödafüch da San Martin):
Sabeda (23/09), dales 19.00: daurida cun cëna y dales 21.00: party cun Dj Luca
Domënia (24/09), 9.30: Santa Mëssa; 11.00: Matiné cun liagnes blances;
14.00: defilada y concert dla Musiga S. Martin; 16.30: musiga da bal cun i Pazedins.

La Uniun di Seniors da San Martin y Antermëia tëgn na jita en jöbia, ai 5 d'otober. I piun ia dales 7.30 da San Martin y jun a Toblach a ti ciaré ala "Schaukäserei Drei Zinnen" olach'al gnarä splighé le laur dla lateria. La marëna sarä a Oberwielenbach te n bun restaurant olache vignun pó se comané ci ch'al ó. Le cost dla coriera y dla entrada è de 25 €. Prenotesse cina en dedolönesc, ai 3 d'otober, pro Alfred da Jú 333 36 54 786 o pro Loise Kircher 329 13 9 8 721. Telefonede tosc, i posc á limitá.

LUNGIARÜ: La Uniun di Èi da Lungiarü inviëia döta la comunité a fá le Tru dles Staziuns en domënia, al pröm d'otober. I piun ia dales 14.00 da dljia demez.

La Uniun dl Sport da San Martin organisëia n curs de Yoga por mituns cun Natalie Dalponte, che mët man en dedolönesc, ai 26 de setëmbër, por 5 iadi. Le curs vëgn tigní tres de dedolönesc dales 17.30 inant tla palestra da San Martin.

La USSM organisëia ince n curs de Quantic Joga cun Natalie Dalponte, che mët man en dedolönesc, ai 26 de setëmbër, por 8 iadi. Le curs vëgn tigní tres de dedolönesc dales 20.00 inant tla palestra da San Martin. Por trami i curs: Infos y prenotaziuns le pröm de te palestra o por telefon 348 51 98 620.

Le Consëi Formaziun y la Biblioteca d'Al Plan inviëia en dedemesaledema, ai 27 de setëmbër, dales 20.00, tla biblioteca Angelo Trebo d'Al Plan a na incuntada cun Franz Agreiter y Clara Igira da La Pli che cuntará de so iade tl'Uganda.

Tla Cassa Raiffeisen da La Ila ál metü man a La Ila n curs por geniturs de 8 incuntades cun le referënt Roland Feichter. Al é indöt 8 incuntades, vigni iade la jöbia dales 9.00 – 11.30, al á metü man ai 21 de setëmbër y al costa 49 €. Info y iscriziun pro Lois Castlunger 0471 847 20. (KVV La Ila y Consei Formaz. Badia)

Nosta ponsiun é ince te nostes mans! I s'inviun dötes/düc a na incuntada por ciafé informaziuns menüdes sura la ponsiun d'injunta dal Laborfonds l'ater dedolönesc ai 03 d'otober dales 15.00 tla entrada dla Ciasa de Palsa.



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

24.09.17 – 01.10.17 nr. 44

termo da publiché: jöbia 20.00
radio: 90,40 / 93,70



25^a DOMËNIA IA POR L'ANN A

Vangele: Matí 20,1-16

Canch'al ê gnü da sëra, à le patrun dla vigna dit a so aministradù:

Chërda i oras y paii fora le paiamënt,

meton man dal ultimo cina al pröm.

Al gnô chi che ê gnüs tué sö dala önejima ora,

y vignun à ciafè n denar.

Canch'al ê rové pro i pröms, minâ chisc de ciafè deplü.

Mo ince chi à mâ ciafè n denar porom.

Dailò ài metü man da se lascè sö cuntra le patrun.

Mo le patrun ti à respognü a un de chi:

Amì, al ne te vëgn fat degun tort.

Ne n'este nia gnü a öna cun mè sön un n denar?

Ne poi nia fà ci ch'i ô cun ci che é mi?

O este invidius, deach'i sun bun cun i atri?

*Datrai me sá Chël Bel Dî döt atramënter, nia da conësce y forest,
y súa manira da fá cunc ne sunsi nia bun da capí.*

*Mo te öna na cossa él dër dlungia nos,
canch'ara vâ de generosité y de misericordia.*

A un de chi che se lascia sö él le patrun che ti fej chësta domanda:

„Este invidius, deach'i sun bun cun i atri?“

*Sc'al me fajes a me chësta domanda,
messessi respogne:*

*„Scé, datrai bëgn,
cis canche d'atri l'á plü saurida
y pó s'un aprofité de ci che iö á fat por ëi,
y canche iö m'á dé da fá y á messü aspeté,
i ne sá ma nia tan dí, do ci ch'i m'ess mirité.*

*Mo Chël Bel Dî é generus y misericordius
tambëgn cun i atri co ince cun me.*

*Sté a confronté é la fin dla contentëza
y le scomenciamënt dl malcontënt*



	SAN MARTIN	LUNGIARÛ	 VIJITA DL VËSCO Termini importanc dles incuntades dl Vësko che reverda dōta la Val Badia cun la popolaziun, cun i rapresentanc dla dljia y dla sozieté zivila, cun la jonëza, cun i insegnanc de religiun y cun i ghesc dla ciasa de palsa: <u>vëndres, 06/10</u> , dales 20.00, a Badia - incuntada dl Vësko cun dōta la popolaziun <u>sabeda, 07/10</u> , danmisdé, a Badia - incuntada cun i ploans y i proi dla valada <u>sabeda, 07/10</u> , dales 15.00 – 17.00, a Badia - incuntada cun le consëi dl'unité pastorala cun i consëis de cōra y d'aministrazion <u>sabeda, 14/10</u> , dales 11.00–12.30, a S. Martin - incuntada cun i ombolc y i aconsiadus de comun de dōta la valada <u>sabeda, 14/10</u> , dales 15.00-16.30, a Al Plan - incuntada cun la jonëza dla valada <u>sabeda, 28/10</u> , dales 11.00-12.30, a Badia - incuntada cun i insegnanc y les insegnantes de religiun d la valada <u>sabeda, 28/10</u> , dales 15.00-16.30, a S. Martin - funziun y incuntada tla Ciasa de Palsa <i>NB: ala proscima plata dla cōra gnarál injunté na plata cun düc i termini dla vijita pastorala</i> Oraziun por le Vësko Signur Gejú Crist, famëi y patrun de tūa Dlijia, dái a nosc Vësko tūa benedisciun ch'al nes animëies cun so entusiasim y sides por nos n ejëmpl lominus de vita cristiana. Fá ch'al tègnes via te nos la ligrëza dl Spirit Sant, nes istruëscs cun sū insegnamënc y nes tègnes unis tla fede, tla speranza y tl amur. Amen.
24.09.17 25ª DOMËNIA - ANN A	<i>Segra dla ploania da San Martin</i> 9.00 Corona 9.30 Gran Mëssa por la Comunité	7.55 Corona 8.15 Gran Mëssa por la Comunité 15.00 Corona tla capela da Seres	
25.09.17 Lönesc <i>Niclaus da Flüe, Aurelia</i>			
26.09.17 Dedolönesc <i>Cosma y Damian</i>	15.30 Mëssa sö Frëina + en onur de S. Ujöp Freinademetz + Sepl Dejaco		
27.09.17 Dedemesaledema <i>Vinzenz de Paul, Hiltrud</i>		7.30 Mëssa familia de Franz Schanung + + dl Caïser	
28.09.17 Jöbia <i>Wenzel, Lioba</i>	7.30 Mëssa + Giovanni Tavella + Paul Vantsch Corona por vocaziuns		
29.09.17 Vëndres <i>Michil, Gabriel y Rafael</i>	18.30 Adoraziun chîta 19.00 Adoraziun deboriada	7.30 Mëssa en onur de San Cristofer + + Germano y Iustina Moling	
30.09.17 Sabeda <i>Iarone, Sofia</i>	15.30 Mëssa tla Ciasa de Palsa 18.30 Mëssa prefestia familia de Heinz Videsott families de Purgl Clara + Vijo Clara (dl ann)	20.00 Mëssa prefestia de rengraz. fam. Gebhard Moling + + Loise y Paul Chiusura	
01.10.17 26ª DOMËNIA - ANN A <i>Segra dl Rosare</i>	9.00 Prozesciun dl Rosare 9.30 Gran Mëssa por la Comunité	7.55 Corona 8.15 Gran Mëssa por la Comunité por le Grup dl Rosare 11.00 Bato de Carolin Pedratscher 14.00 Staziuns cina sö dala capela	